

فخفخينا

الكتاب: فخفينا/ ياسمين القاضي

المؤلف: القاضي، ياسمين

النوع: المقالات العربية

تصميم الغلاف: الفنان/ عمرو عكاشة

إخراج داخلي: بثينة عزام

الطبعة: الأولى/ القاهرة ٢٠١٠

عدد الصفحات: ١٠٨

المقاس: ٢٠×١٤

تدملك:

١ - المقالات العربية

## صرح للنشر والتوزيع

المدير العام: عبود مصطفى عبود

كورنيش المعادي بجوار مستشفى السلام الدولي، أبراج المهندسين (أ) برج (٢)  
الدور العاشر.

ت: (٢٥٢٤٠١٦٦)(+٢)

البريد الإلكتروني: darsarh@gmail.com

www.dar-sarh.com

٢٠١٠/٩٢٤١

رقسم الإيداع:

978-977-6382-13-7

الترقيم الدولي:

ديوي ٨١٤

حقوق النشر محفوظة للناشر

لا يجوز طبع أو نشر أو تصوير أو تخزين أي جزء من هذا الكتاب بأية وسيلة  
إلكترونية أو ميكانيكية أو بالتصوير أو خلاف ذلك إلا بإذن كتابي صريح من الناشر

# فخفخينا

ياسمين القاضي



فكر يصنع حضارة



## المقدمة

قليلٌ من الأحداث، وكثيرٌ من الحوار، فكل يوم الجميع يتحرك.. يتألم.. ويتكلم، لكن لا يتحاور، في هذا العمل - الذي احترت في تصنيفه - جلس الجميع يتحاورون على اختلاف أفكارهم وأمزجتهم ومع توحد وطنهم، فالناس ألوان، لكن ما أسوأ اللون الذي لا يعرف الألوان الأخرى!، وما أجمل تلك الألوان عندما تنسجم في لوحة واحدة!.. لا يوجد لون أفضل من لون، فلولا اختلاف الأذواق لبارت السلع، ولولا اختلاف الألوان لسأمت العيون، لكن هناك ألوان يتنافر بعضها مع بعض، وتحتاج أن تُعدل درجاتها حتى تنسجم مع بقية الألوان وتدخل اللوحة، وهناك أشخاص يتميزون بأنهم لوحة متفردة في حد ذاتها، استطاعت أن تجمع بداخلها بين أكثر من لون، لا يتنافر واحد منها مع الآخر. والحلم حق للجميع، فدعنا نحلم سوياً.. لكن هذه المرة الحلم بالألوان.



(سمر، ويونس، ودنيا، وأمل..) أكيد أنت واحد منهم، أو أنك تعيش مع أحدهم.. كيف تجمعكم الحياة، وكيف تواجهونها سوياً؟؟

أمل: «تعالى عندنا البيت، وانتى متصدقيش إن فيه حد يقرب للتانى أصلاً».

يونس: «أنا مش بحب الأسئلة.. عارفة ليه؟ عشان عمري ما عرفت إجابة من زمان، من أيام ما كنت لسه صغير أد يوسف وفريدة كدا، أسأل بابا وماما ميردوش. أسأل المدرسة متردش. حتى لما كبرت شوية، كان السؤال اللي معرفش إجابته فى الكتاب أرجع للإجابات ألقية بيقولى: «الإجابة متروكة للطالب!».

سمر: «شفت فى مصر المحجبة والمنتقبة واللى مش محجبة أصلاً والخليعة والمحتشمة، والشاب المثقف والشاب الهايف والشاب المتدين

والشباب المجنون، وكل الأنواع بس المشكلة إنهم مش كوكتيل.. إنهم  
فخفخينا!..».

دنيا: «أديني بعمل حاجة تفدني فى الآخرة بدل ما الواحد يطلع  
يختلط بيكوا، ويشيل ذنوب أد كده كلامكم كله يحرق الأعصاب، ومنظر  
الأستاذ ده مستفز، أ لعل أعمل إيه! أتدفرز وأدخل تاني؟! . أستغفر الله  
العظيم.



# رحلة العودة



٣٠ عامًا بين جدران مصرية وحياة أمريكية، جدران مليئة بصور  
ذكريات الأب والأم في مختلف أرجاء القاهرة، وأخرى تتحدث باسم  
مصر اشتراها الزوجان خَصِيصًا لتذكرهم وتذكر ابنتهم، ذات الخمس  
سنوات، بمكان لا ينبغي أن يُنسى مهما طال العمر خارجه، ومن  
ناحية أخرى يُمنيان نفسيهما من خلالها بالرجوع إلى وطن تلك الصور  
المعلقة.. حيث الأهل والأصدقاء والجيران والدفء.. وكأنهم يقولون  
لها: نحن لا ننساك وسنعود إليك يومًا ما.. وكأنهم يقولون للملك  
الموت: لا.. لا تقبضنا هنا، ويدلّ أنه من خلال الصور على المكان الذي  
ينبغي أن تقبض فيه أرواحهم.

كما جمعهم بيتٌ واحدٌ وشعورٌ واحد، جمعهم حرفُ السين.. إنها  
العائلة المصرية الأمريكية.. سعاد وسعيد، وابنتهما سمر، وعمرها الآن

٣٥ عامًا، كانت تستيقظ كلَّ صباح لترى عيناها أولَ ما تفتتح به يومها ثلاثة ألوان معلقة على الجدران «أحمر وأبيض وأسود» وصورة لشخصٍ لا تعرف من هو في حقيقة الأمر، لكنه وُفق ما ذكر ماما وبابا «أنكل الرئيس»، والتي تأكدت من هويته بعدما كبرت ورأته في نشرات الأخبار على القناة الفضائية المصرية، تلك القناة التي تفردت سمر وسط أقرانها في المدرسة بالتعرف عليها ومشاهدتها كل يوم، العَلَم نفسه، والصور نفسها حتى ألفت سمر هذه الدولة الصغيرة التي تعيش بداخلها، التي تشعر كلما خرجت للشارع ورجعت للبيت أنها هاجرت منها وإليها في كل يوم.

لم يكن غريباً أن تتزوج سمر من شاب فلسطيني، تعرفت عليه أولاً من خلال نشرات الأخبار، ثم الجالية الإسلامية بأمريكا، فانبهار سمر بدوي الجنسية الفلسطينية، التي حدثها عنها أبوها أكثر مما حدثتها نشرات الأخبار، جعلها ترى (عاصم)، لمجرد أنه فلسطيني،

فتى أحلامها.. أما عاصم - الشاب الفلسطيني - فكلما جمعته مع سمر  
محادثة رأى فيها روحَ المحب، الذي لم ير حبيبته.. تتحدث بالمصرية..  
ترتدي الحجاب.. تتكلم عن مصر وعن فلسطين كما لو كانت عاشت  
عمرها كله هناك.

وكم مرة زرتي مصر يا سمر؟..  
«هاجرت منها منذ كنت في الخامسة من عمري، ولكن بابا  
وماما يقولان، إننا سنعود عندما يأذن الله».

تزوجت سمر من عاصم وهي في ربيع العشرينيات، أنجبا فريدة  
ويوسف، وبعد عشر سنوات من زواجهما مرض الزوج وأصيب  
بالسرطان وتوفي، سبقته إلى الرحيل أمُّها سعاد، وهكذا لم تُشبع الصور  
المعلقة على جدران منزلهم المصري الأمريكي آمانيات سعاد، فالموت  
حدث خارج أرض الوطن، وكذلك كان مصير عاصم، فهي مصرية  
وهو فلسطيني، جمعتهم تربة أمريكا.. كان سعيد الأكثر تألماً لهذا  
المعنى، وخشي أن يكون مصيره كمصير زوجته وزوج ابنته، وشعر أن  
حبات عقد عائلته تنفرط واحدة تلو الأخرى، ظناً منه أنه الحبة التالية،

وأن سمر هي من ستظل وحيدة، أما شوق سمر لتلك الصور التي  
سئمت صمتها وجودها على حائط ليس مصرياً، ورغبة زوجها  
عاصم، الذي منعه من الرجوع لأرض الوطن شعوره بأن قدرته على  
مساعدة الوطن من الخارج أكبر من كونه بداخله.. هذا الشوق وتلك  
الرغبة جعلها ليلة الرحيل لا تنام مرتقبَةً رحيل القمر وقدم  
الشمس، التي مع مطلعها سيكون رحيل سمر وأبيها وطفليها إلى  
مصر.. لم يرغب عن بالها لحظةً هذا الحوار الذي دار ذات يوم بين  
عاصم ويوسف، وكأنها تقول لعاصم: لا تقلق سأدافع عما حاولت أن  
تدافع عنه.

عاصم قبل وفاته: يوسف شو بتعمل؟  
يوسف: برسم العلم داد.

«مشيراً إلى علم أمريكا الذي قام برسمه»

عاصم: وربني لأشوف.. لا أنا بعرف رسمت أخلق.

(ويرسم عاصم ليوسف علماً، نصفه علم فلسطين، ونصفه

الآخر علم مصر)

عاصم : هيدا اخلى كثير يوسفه .. حبيبي بديالك تعرفه إنك عربي ..  
فلسطيني مصري ، ارسم هالعلم ولا ترسم غيره ، سامعني حبيبي ،  
بكرة لما بنرجع بتعرفه أد إيشن بلادك جميلت .. بس تبطل أكرج  
بنعود .

يتكرر هذا الحوار بداخلها حتى وهي داخل الطائرة .. وهناك  
حيث يجلس كل من سعيد وسمر صامتين ، فهي تتذكر من رحل من  
أهلها قبل هذا اليوم ، وهو يذكر أيامه هناك ، وكأنه يذاكر قبل  
الامتحان .. وكأنه يتذكرها ليعرفها عندما تطأ قدماه أرضها .. وكأنها  
ستقول له : من أنت ؟ لا أذكرك .. فيحاول سعيد أن يجمع حخته  
وذكرياته عنها ليستطيع أن يجيبها إذا سألته هذا السؤال .

وبينما هو شاردٌ في أمره ، سألته سمر : يا ترى يا بابا البيت هيبقى

عامل إزاي دلوقتي ؟

كامل : لا داحنا أكيد هنزعج الجيران اللي هناك ؛ لأنهم بقالهم زمن  
عاشين فيه في هدوء من غير إزعاج بتتك وابنك ،

(بتنهيدة يطلقها كامل تَنْمُّ عن بُعد زمان تلك الذكرى): إيبيبيه والله  
وحشني البيت، ووحشني الست أم سمير، والمعلم ناجع بتاع  
اللحمت، و..

(فتقاطعه سمير)

سمير: غريبت يا بابا إنت عمرك ما حكييتلي حاجة عن الناس دي،  
ولا أنا فاكر اهم.. إنت ازاي لسه فاكرهم؟ وتفتكر هيبقوا لسه  
موجودين؟

كامل: إنتي كنتي لسه صغيرة أوي متوعيشن عليهم، وأنا الدنيا  
عدتني والشغل وأكياة، أحكيلك إيه ولا إيه بس.. على الله بس  
زي مانتني بتقولني الأقيهم لسه زي ما هم، هو فيه حاجة  
بتفضل على حالها؟

سمير: بس يا ترى حضرتك لو شفتهم تعرفهم؟

كامل: طبعا، يا سلام دي عيشة..

(فيتوقف بعدما يدرك أن ما قضاها خارج مصر كان أكثر مما قضاها

في بلده).



نصدق في أنا معشتش معاهم أر ما عشت مع الأمريكان ، يااه اهلى  
ومعشتش معاهم زي ما عشت مع الغريب !!  
سم : بس - إن شاء الله - فيري ويوسف هيعرفوهم دا إذا كانوا  
لسه عايشين.  
كامل : إن شاء الله يا بنتي .. إن شاء الله.



# في البيت القديم الجديد





القديم ذو البابين، والشبكة التي تظهر لكل من الراكب والنازل على السلم بعضهم بعضًا.

تنزل على السلم شابة منتقبة ترتدي ملحفة سوداء، وتنظر اليهم باستغراب قائلة : سلام عليكم.

(ثم تقف هنيهة تتفقد هذه المخلوقات العجيبة والجديدة عليها وعلى العمارة)

فتسأل : حضراتكم عاوزين مين؟!

يجيب كامل : إحنا عاوزين بيتنا .

دنيا : بيتكم؟! ثم تتوجه بالسؤال لسم : حضراتكم سكان جدد؟  
كامل (يقاطع سمر، ويرد بالنيابة عنها): لا يا حبيبتي إحنا سكان قدام.. بس كنا مسافرين ولست راجعين النهارده، ودي قصه طويله أوي، وأنا شايفك مستعجلت مش هعطلك كثير، لما ترجعي ابقي إسالي بابا عننا وهو هيقولك؛ لأننا أكيد حنوز كل جيراننا، وأكيد بابا أو ماما من أجيران دول. فرصه سعيدة.  
دنيا : سلام عليكم.

ثم تمضي دنيا في طريقها ليأتي بعدها شاب بشعره الواقف  
وحذائه الملون وبنطلونه الساقط و قميصه المطرز، لم يكن هناك ما يدل  
على مصريته سوى كلمة (صباح الخير) التي قالها قبل خروجه من باب  
العمارة... ينظر كامل وسمر لبعضهما ويضحكان.

وهنا تأتي فتاة ثالثة كانت في طريقها من العقار إلى الشارع أيضًا،  
ترتدى حجابًا محتشمًا وأنيقًا وتبتسم للجميع وتقول: صباح الخير.  
وفي سرها : (مين دول؟ ياللا لما اجي أبقى اعرفه.)

فيزداد الضحك، ثم تصعد الأسرة في طريقها إلى الشقة بعدما  
أدركوا أن الأسانسير مُعطل، وعليهم فقط مشاهدته بصفته أثرًا نادرًا.  
■ المشهد الآن في شقة كامل..

بعد الصعود إلى الشقة.. فتح كامل الباب وكأنه فتح مقبرة..  
الشقة يحيطها الظلام.. ويغطي أثاثها خيوط العنكبوت. تهب منها  
رائحة الزمن الذي مضى عليها، وترتبط بتلك الرائحة أتربة رحبت

بالسكان العائدين.. يختلط هذا المشهد بصوت لسعال سمر وطفليها وانكماش في وجه الجد كامل، الذي بالطبع اصطحبه شوط طويل من السعال اختلط بسعال سمر والأطفال، لينسج موالاً سعالياً طويلاً لم يوقفه سوى فتح النوافذ.

سم: يللا يا ولاد ساعدوني علشان ننصفه على الأقل- مكان  
نستريح فيه.



بعد شراء أدوات النظافة، تتولى العائلة أول مهمة على أرض الوطن، والتي كانت عبارة عن حملة نظافة شارك فيها الأربعة أفراد كلٌ حسب قدرته، لذلك كان لسمر الجهد الأكبر.. أما الطفلان؛ فقد تولت فريدة مناولة الأدوات لوالدتها وإعطاء جدها المناديل لمسح جبينه، في حين تولى يوسف قتل الحشرات ودفنها في صفيحة القمامة نظرًا لأنه محب لأفلام الأكشن الأمريكية، التي تعود على مشاهدتها وأن الأوان لممارسة بعض مشاهدتها.

ويمر اليوم بعد جهد شاق.. فيجلس كل من كامل وسمر على الكنبه ممسكين بأدوات النظافة، بينما يجلس كل من يوسف وفريدة على الأرض رابطتين رؤسهم ببعض ملابسهم ومشمرين بنطلوناتهم وكأنهم مزارعون أو عمال تراحيل.. مثبتين أنظارهم على غرف النوم وكأنهم يطلبونها بقلوبهم.



بيت الجيران



في الشقة المجاورة تسكن أسرة الدكتور سعيد، والتي تتكون من:  
دنيا وهي البنت الكبرى، أمل وهي الوسطى، ويونس (الشهير بننس)  
الصغير، وشهيرة زوجة سعيد وأم الأولاد..  
المشهد التالي في الجامعة. يجلس مجموعة من الشباب والبنات على  
سلم كلية تجارة إنجليزي، بينما يقدم عليهم يونس.. وبما أنه القادم  
وهم الجالسون بدأ هو بالتحية.

يونس: هاي.  
ثلث يونس: هاي يا ننس. إزيك يا لاه؟ يا ربنا جينا سيرة ربع  
جنيه مخروم.  
يونس: يا بني ربع جنيه مخروم إيه بس؟ رانتنا قديم أوي هي دي  
طموحاتك؟ وبعدين كنتوا بتتلهبوا تجيبوا في سيرتي ليبييه؟ بنقولوا  
إبيبييه؟  
إحدى أجالسات: أبدأ كنا بنقول: هو ننس اتأخر ليه؟ شكله كدا  
في ميعاد، ولا حاجة! (تنطقها بسخرية)  
يونس: مبيبيعاااا!! إنتي بالذات تسكتي خالص يا بتاعة المواعيد  
إنتي.

٢٠

أمل وصديقتها في طريقهما إلى يونس حيث يجلس هو وشلته  
الكريمة، بعدما رأته من بعيد، وكأنها تقبض عليه متلبساً.

أمل: يونس ....

ينظر يونس إليها باستنكار، ولا يذهب.

أمل: خلاص يا عويا .. يا نسن.

يونس: أيوه كدا اتعدلي. (ويرد عليها) عايزه إيه؟!

أمل: إنت يا بني. إنت مش قلت: إنك عندك محاضرتين  
النهارة؟!

إحدى الغنيات: لا يا أمل. أخوكي بريء. إحنا معندناش محاضرتين.

إحنا عندنا قلت محاضرات وسيكشن، خليك صريح مرة يا أخي.

يونس: إيه ده؟! والله مكنتش أعرفه آه يا دحاح حافظة أجدول!

أمل: دحاح عشان حافظة أجدول؟؟ أمال لو حفظت المنهج

أبقى إيه؟!

يونس: لا ، كدا تبقي خارج الشلت مرفووووورة، وعلى فكرة البنث

دي حرّيت دي مرة جابت جيبيد.

أمل: لا يا راجل؟! مبروك يا شيري.

(ثم تتوجه لنس مرة أخرى): وإنت بقى مش عندك ثلث

محاضرات وسيكشن؟

يونس: بيقولوا .

أمل : طيب ، وانت جاي الجامعة عشان المحاضرات ، ولا عشان  
ايه بالطبط ؟ .. يا بني بترجع تعيط آخر السنة .

يونس : اخرررررسي . أنا عمري ما عيطت ، وبعدين إنتي مالكة وإنتي  
كنتي أمي ؟ متخليكي في خالك يا بنتي . وإيه اللي في إيديك ده ؟  
هاتي واحدة .

أمل : خد يا خوبا . ده البروشورز بتاع الجمعية .

يونس : جمعية .. لالا مبيعش الطواير .

(أصدقاؤه يضحكون)

أمل : (تضي وهي تقول بصوت خافت) : جاتك نيلة في هيافتك ،

إنت وشلث الهنا بتاعتك دي .

(فترد عليها صديقتها) : أنا مش فاهمة ننس دا أخوكي إزاي .

أمل : يا ستي تعالي عندنا البيت ، وإنتي متصدقيش إن في حد يقرب  
للتاني أصلا .

نعود ليونس وشلته ..

أحمد (صديق يونس) : تعالي يا بني نقوم نحضر المحاضرة دي ؛ كحسن ده

الدكتور بتاعها غسل أوي ، وببدي الأسئلة بتاعة الامتحان .

يونس : يا عم ناخدها من حد ، إنت مش مظبط البت الأولى بتاعة  
الدفعة دي ؛ عشان تديك المحاضرات ؟ .



أحمد : اسكت متفكرنيش ، دي امبارح عمالت نقولي : جالي عريس ،  
ومش عارفت إيه ، ما تولع هي وعريسها .. لأ . وانا عملتلك نفسي  
غيران واقولها إيه : متسرعش فكري كوبس .. إهئ إهئ  
(بيكي بسخرية).

يونس : تخيل يا لا لو لبست في البت دي .  
أحمد : ايهههه؟؟ حرام عليك دي - يادوبك يادوبك - آخرتها  
مخاضات ، ولا سؤالين في الامتحان . آل البس آل! يا بني دانا البس  
في عمود ولا البس في البت دي .  
يونس : طج بس بس آهي جاي آهي .

تأتي كريمة بشعرها الأسود وأطرافه الصفراء والذي ينشق  
نصفين ليبيّن من المنتصف فروة رأسها السمراء . فوق عينيها نظارة  
كبيرة تغطي نصف وجهها بإطار أحمر . ترتدي «بدي» مرسوم عليه  
زهور بكل الألوان يبدو أنها نامت فيه ثلاثة أيام ، وبنطلونًا أخضر  
ضيّقًا ، وعلى الرغم من ضيقه فإنه لا يظهر منها إلا نحافتها الشديدة .

كريمت : أحمد .. (فتلاحظ أن يونس بجانبه) : آه .. إزيك يا يونس؟

يونس (يكتم ضحكة) : أحمد لله مامااا .

كريمت : أحمد .. المحاضرة هتبدأ . إنت مجتش ليه الصبح؟! كانت  
محاضرة ملهمت اوي .

أحمد : معلش والله كنت تعبنا أوي ، حتى اسألي يونس . اللهم  
إنني مش كنتيها يا قمر؟! (وينظر إليها بحب مصطنع).

كرمت (يبدو عليها الخجل) : آه ، وهبقي أديها لك بس زي مانك  
عارف متديهاش كد غيرك إنت بس : إنت عارف إنني مش بدري  
محاضراتي كد غيرك .

وداخل المدرج ، الدكتور يتحدث ويونس يجلس في «البنش»  
الأخير يطالع مجلة مع أصدقائه ، وفي أذنيه سماعات الموبايل يستمع  
لأغنية .

ينتهي الدكتور من محاضراته فيفيق يونس على صوت قيام الطلبة من  
على البنشات : يااه أحمد لله . كانت محاضرة جميلة والله .

أحمد : آه أوي بس آخد المحاضرات من كركر ، ونعرفه كان فيها  
إيه .. يعني الواحد يعمل إيه أكثر من كده : أدينا بنحضر اهو  
وبرضه مش مستفيدين حاجت بنضيع وقت - والله يا أخي - في  
المحاضرات دي .

يونس : آه والله مدرج فيه يجي تلت الاف واحد . لا وإيه المصيبة  
إنهم كلهم بيرغوا ، والدكتور أل إيه بيشرح في مايك يا عم دا عاير  
له سماعات (دي جي) مش مايك قديم وسماعات معفنة زي  
دي .. اللهم هنروح فين بالليل؟ .

أحمد : مشن عارف بيقولوا فيه كافيه فتح جديد في مدينه نصر.  
يونس : قشطه. تجربه.

بعدهما قضى يونس مع أصدقائه الليلة في «الكافيه» الجديد، بينما قضت أمل ليلتها في حفل افتتاح نشاط جديد بجمعيتها، يستقبل سعيد ابنه يونس وابنته أمل : يا أهلاً يا أهلاً . نقول : مساء أثير ولا صباح أثير ؟! أمل : لو سمحت يا بابا أنا متأخرتش أوي كده . وبعدين أنا كلمت حضرتك وقلتلك إن النهارده عندنا شغل كثير في أجمعيت عشان بدء العام الدراسي ، وكنا بنعلن عن برنامج العام الجديد وبنستقبل الطلبة أجداد وكده ، وبعدين ما احنا اتفقنا إن يونس هيجي ياخدني.

سعيد : آدي اللي احنا واخدينه منك .. تناقض ؛ ساعت تروحيلي مع أصحابك الناري وتروحي تشتري لبس وإيشاريات ، وساعت تروحيلي أجامع ولا أجمعيت ولا تحضري ندوة .. أمل : بابا ده مشن تناقض .. ده تكامل ، وبعدين ..

يقاطعها سعيد : بس بس ياختي إنتي هتعليميني أفكر إزاي ؟! خشي ياللا شووفي هتعملي إيه .. وإنت يا سي يونس ، كنت فين ؟ يونس : أولاً ميت مرة أقولكم : ننس أنا اسمي ننس . إيه يونس دي ؟! فيه شاب روشن كده يتقالوا : يونس (ناطقاً الاسم بسخافة ، وامتعاض) . سعيد : والله أملك هي اللي سمتك على اسم أبوها .

یتوجہ بالكلام لشهيرة: لیست كده.. دا كلام يا ماما إنتی  
مخلفانی فی متحف؟! ولا كانوا بیقرأوا علیکی سورة یونس، وإنی  
بنولدی..

[illegible]

سعید : جری ایہ یا بنتی؟ مشن کردہ بالراحت. آہ هو غلط مکنتش  
یصح یقول کردہ، ولا اینہ یکلم امہ کردہ اصلاً بسن ننصحہ بالراحت،  
او حتی ایدی مقدمات.

أيونس: اأااوه إءى مقءماء؁ ءانا قءعء اءءف من صوءك.. إءى  
ءرة إءى اللى عمرء ما ءءبى عمء. أءسن.. وبعءن أنا مكءش  
أقصد؁ ومعرفش إءه ءرام..

دنيا : وبعدين معاك انت مصمم تاخذها هزار؟ يا هايفه انت.  
وبعدين ايه اللي انت لابسه ده..

شهيره: جرى إيت يا بنتي؟! أيوه هو قليل الأدب بس مش كده  
برضه، الدعوة تبقى بالكسنى يعني إنتي قافلت على نفسك الباب  
طول اليوم من ساعت ما تيجي منشوفش وشك، ويوم ما تنتشف  
برؤيتك اللي الناس مش بتشوفه ده.. نشوفه مكش كده، وترغي  
فينا؟!

دنيا : أوّلًا : أنا مشن قاعدة بلعب جوه، إنتي عارفت إنني مشن فاضيت، ثانيًا : أديني بعمل حاجة تفيدني في الآخرة بدل ما الواحد يطلق يختلط بيكوا ويشيل ذنوب آد كده، كلامكوا كله يرق الأعصاب، ومنظر الأستاذة مستغر، أطلع اعمل إيه؟! أتفر وأدخل ثاني؟! استغفر الله العظيم.

ثم تتجه دنيا إلى حجرها مرة أخرى، وتغلق الباب.  
يونس : احسن غوري وإنتي عاملت زي الغوري لث كده. إنتي أصلًا مشن هتموتي؛ عشان عزرائيل هيخاف يقرلك.  
سعيد : ولد. خلاص بقى أسكت، واحترم نفسك.  
يونس : ماشي كسن تسمعني تيجي تقيم عليا أكد. ألا هو اللي يضايق دنيا عقوبته إيه؟! صحيح.. يعني يروح جنة ولا نار؟!  
~~~~~

شهيرة : تصدق إنت مستغر فعلاً..  
يونس : أوبّا!!!.. نسيت أقولكم عندي خير نيو؛ شوفت النهارده رجل كبير كده، ومعه مزة محجيت واتنين أطفال، وكانوا شكلهم كده جايين من سفر..  
سعيد : مزة؟؟ تصدق إنت قليل الأدب وسافل. قوم ياللا الحمد.  
شهيرة : استنى بس يا سعيد لما نعرفه مين دول.  
يونس : أنا قايم الحمد ابقوا إسألوا أكاجت دنيا وهى تقولكم «باد نايت».

سعيد - في تضجر - : باد زفت على دماغك. ولد مشن مزيبي..  
بعدا استمعت أمل وهي تتناول العشاء بعض الحديث عن  
السكان الجدد...: صبيح يا ماما أنا فعلاً شفت الناس دول بس  
كنت متأخرة سلمت عليهم ومشيت. هما مين دول؟  
شهيرة: علمي علمك يا بنتي إسألني اختك.. (ثم توشوشها بصوت  
خافت) : وابقى تعالى قوليلي قالتلك إيه ..

أمل لدنيا : دندن..  
دنيا : شششش بسمع استني لما يخلص البرنامج ، أكته دي مهمه  
أوي.  
أمل : حاض.. إنتي بتكتبي إيه يا بنتي؟.. حد يكتب ورا الشيخ اللي  
بيقوله.

دنيا : أيوه.. بيقول حاجات مهمة عجب أكتبها .  
أمل : هتذاكريها يعني ، ولا هتخفيها ، ولا إيه بالطبط؟ يا بنتي  
الكلام المفروض يبقى في ذهنك مشن في الكراست.  
دنيا : يوه عليك يا أمل! كل واحد حر يا شيخ أنا بنسى وعجب  
أرون أي حاجة أسمعتها ، أنا حرة يا ستي ، واسكتي شويث بقي ،  
نتكلم في الفاصل ، ولا أقولك : بعد البرنامج. ارحميني بقي!  
(وبعد ما انتهى البرنامج) أمل : ها بقي قوليلي يونس بيقول إنك  
كنتي بتتكلمي معاهم الصبح ، عرفتي هما مين؟



شهيـرة : مين كامل وسعاد ؟ معقولة ؟!!!!  
سعيد : متخيالي.. بس مين المـزة اللي بيـقول عليها يونس دي؟؟؟  
لالا ، أنا مش قادر استنى ، أنا نفسي اروح اخبط عليهم دلوقتي..  
بس اخافه لا يكونوا نايمين.  
شهيـرة : الصبح رباح .. من النجمة نعرفه هما ولا لا .. جريت اول  
ما سمعت إن الحكايت فيها مـزة.. إحسن عالـجالت. يا راجل عيب  
على سنك!  
سعيد : ههههههه. إنتي دماغك راحت لبعيد اوي ، أنا اقصد  
مش قادر استنى عاوز أؤكد هو كامل ولا لا .. يا سائر على ظن  
السنات!



.....●●

..عدنا

●●.....



وفي اليوم التالي بينما سمر واقفة في البلكونة.. يظهر يونس من  
بلكونته المجاورة لبلكونة شقة كامل وعائلته قائلاً في سره: (أوبيا!!  
الفة بناحة امبارح أهى. أما أروح أقول لابويا) وعلى الفور يأتي سعيد  
للبلكونة ليستكشف السكان الجدد أو العائدين من الخارج، وهنا  
يدور حوار بين سمر وسعيد...

سعيد : صباح الخير يا بنتي..

سمر : صباح النور يا أنكل.

سعيد : إنتوا سكان جداد ، ولا ...

سمر : لا إحنا ..

(ثم يقطع إجابتها صوت كامل منادياً عليها فتجيب): نعم يا

بابا . أنا هنا أهو في البلكونة.

وبعد أن يدخل كامل لسمر البلكونة يراه سعيد فينظر إليه بشدة

يتفحص كل منهم وجه الآخر.. ثم يقترب كل منهما إلى بلكونة الآخر

فيحملق سعيد ويصرخ : ... معقولة؟؟ إنت... ..

كامل : وانت .....  
سعيد : كامل فخر الدين؟؟  
كامل : سعيد عبد التواب؟؟  
سعيد : والله زمان يا راجل . استنى . ثواني وابقى عندك ....  
كامل : لا لا . انا اللي هجيلك .  
سعيد : استنى بس ، انا اللي هجيلك .  
يونس : انتوا هتضيعوا اليوم تتخانقوا مين يروح للتاني .. ايه الروتين ده؟؟  
سعيد : بس يا له إنت .. آه نسيت اعرفكم . لا لا . انا لما آجي هجيبه معايا ، افتح الباب بقى .  
يونس : ( يوشوشه بينما يسحبه سعيد من ذراعه وكأنه يسحب شاة لذبحها ) : تجيب مين؟  
سعيد : بللا بينا ..  
يونس : ايه السحبت دي؟؟ .. طيب طيب . بالراحت هقع ، مامسح بيا السلم أحسن!  
سعيد : إنت واد مزعج .  
يونس : عندك حق . الكرووف المطورج يدبج وهو ساكت .. حاضر .  
وأمام شقة كامل عاتق سعيد وكامل بعضهم بعضًا بشدة .

سعيد : ياه يا جلد كل ده أنا والله لما الواد يونس ابني قاللي امبارح إن في ناس  
سكنوا في الشقة اللي قصارنا مصدقتش نفسي؛ قلت : يمكن حد  
ماجرها . والله وحشتنا أوي.

كامل : وإنك كمان والله أنا كنت خايف لا يكون الناس اللي هنا  
نسيوني. إحنا هنفضل على الباب كده؟ اتفضلوا .. اتفضلوا  
(ودخلوا شقة كامل).

(وفي شقة سعيد) شهيرة: هو في إيه يا اخواتي؟ أنا مش فاهمة  
حاجت هو سعيد راح فين وإيه الدريكت دي.. يا أمل.. يا دنيا .  
أمل : نعم يا ماما .

شهيرة : هو فيه إيه؟؟ أبوكي فين؟!  
أمل : بابا كان صاحب يونس من قفاه زي أكمار ، ودخل في الشقة  
اللي قدامنا .. الظاهر إن هي دي أودة الفران ، وبابا راح يعزبه  
فيها .

شهيرة : هيهيهيه (تضحك بسخرية) : ظريفة أوي.. (ثم تندهش  
فجأة) : ده يكون شششششش؟! لا أنا مش هقدر استنى.

وفي شقة كامل: أهلاً أهلاً نورت الشقة اللي ياما كنا بنقعد فيها  
مع بعض.. أعرفك.. بنتي سم.. ودول ولادها يوسف وفريدة.

سعيد : ماشاء الله.. وده بقى ابني يونس.. وبقيت الأسرة فى البيت. إنت طبعاً عارف شهيرة مراتي بس ملحقتش الأولاد.  
كامل : لا . أنا كنت موجود ساعت لما كان عندك بنوتك كده..  
اعتقد كان اسمها ...

سعيد : دنيا ..

(ثم يأتي صوت الجرس ليقطع كلامهم).

كامل : افتحي يا سم.

▪ (وعلى الباب):

شهيرة : صباح الخير. أنا شهيرة مرات سعيد. هو هنا مش كده؟.

سم : آه. اتفضلتي، هو جوا.

سعيد : تعالي يا شهيرة، كامل رجع.

شهيرة : أهلاً!!!!!! حمد الله على السلامة. أنا والله حسيت مقدرتش

أصبر لما سعيد يجي. إزيك يا باش مهندس؟ ومين أكلوة دي؟

كامل : الله يسلمك يا شهيرة. دي بنتي سم، ودول ولا رها.

شهيرة : اللا أمال فين سعاد؟؟

كامل : لا . سعاد تعيشي إنتي، سم دلوقتي هي ست البيت.

شهيرة : امتي حصل الكلام ده. هقولك إيه مانتوا من ساعت ما

سافرتوا قطعتموا ومحدث بقى يعرف عنكم حاجت.

كامل : والله يا شهيرة الواحد كان ناسي نفسه هناك .. الموضوع ده قديم أوى من حوالي ١٠ سنين

شهيرة : البقاء لله مع إنها جت متأخرة .. البركة في سم زي ما قلت باين عليها شخصية عاقلت ومتحملت للمسؤولية .

كامل : كان نفسي وأنا هناك إنها تتعرف على أهلها وجيرانها .. والله وحشتنا مصر وو حشتونا أوي أوي

شهيرة : خلاص إنتوا بقى لازم تقضوا اليوم مغانا النهارده .. هتتعدوا وتتعشوا كمان مغانا ولا إيه يا سعيد ؟!

سعيد : طبعاً ودي عايزه كلام .. يللا البسوا وإحنا مستنيينكم ، عشر دقائق والافيكوا بتخطوا على الباب .

كامل : ماشي يا ستي مش هنرعلك ..

■ ( يرجع سعيد وشهيرة إلى شقتهم ليعدوا المائدة )

كامل لسمر : يلا يا سم إلسي . دول بقى اخر جيران لنا ، الجوزوا في نفس اليوم اللي إنتي اتولدت في ، وسكنوا في الشقة اللي جنبنا دي .

سمر : بس باين عليهم طيبين أوي يا بابا .

كامل : فعلاً والسبت دي كانت حبيبة مامتك الله يرحمها .. يللا بقى علشان متأخرش عليهم لأنني - بصراحة - وحشني الأكل المصري ، وكمان علشان ننزل بعدها لعمتك بالليل ؛ لأنها في

الوقت ده بتكون في الشغل هي وجوزها ، دي حتة التليفون مش  
بترد عليه.

سم : معلش ادينا هنعملها مفاجأة ، ونروحها بالليل ، ونعرفه  
ليه مش بترد .

(وفي شقة سعيد):

سعيد : دول بقى اخواتك يا سم .. دنيا .. امل .. يونس .

دنيا : سلام عليكم ...

سم : وعليكم السلام إحنا اتقابلنا امبارح .

دنيا : اعتقد كده .

امل : أهلاً أهلاً وأنا كمان قابلتكم امبارح .

سم : أيوه فعلاً فاكر اكي .

يونس : يونس الشهير بننس إزيك؟ ...

سم : أكمد لله إنت بقى قابلتك الصبح في البلكونة .

يونس : ههههه . أيوان هو كده بالضبط .

وبعد التعارف والسلامات ينقسم الفريقان إلى فريق للكبار في

الصالون .. وفريق للشباب في البلكونة .

سم : يااه انا اول مرة آجي مصر بعد حوالي ٣٠ سنة .

امل : إنتوا كنتم في أمريكا مش كده؟



سم: بالضبط.

يونس: وحد يسبيك أمريكا ، وييجي مصر؟

سم: لو جريت تعيش من غير أهل ، ونصفه مواطن أو مواطن  
درجة ثانية في مكان هتعرفه يعني إيه معنى إنك تعيش في  
بلدك مهما كانت حالتها ، لكن على الأقل اسمها بلدك ..

يونس: إيه الكلام الكبير ده .. أنا كنت فاكّر الأمريكان روشين  
شويه مشن تقولي مواطن وبلدك ودرجات وبتاع .. ناقص  
تسمعي لي النشيد الوطني.

أمل: يابني بالراحت عليها ، هي مشن متعوده على الأسلوب بتاعك  
ده .. معلش يا سم أصله بيحب يهزر .. هو ده أسلوبه .

سم: لا عادي مفيش مشكلت إنت في كليته إيه يا يونس؟  
يونس: تجارة إنجليزي.

سم: great .. أنا عندي كتب كويست في الماركتنج.

يونس: كتب؟! استغفر الله العظيم .. مشن لما أخلص كتب الكليته  
ابقي آخد منك كتب.

أمل: إنتي جايته معاك كتب من أمريكا؟ إيه المطبوعات اللي  
بتهتمي بيها؟

يونس: على فكرة أكوار بقى غلس أوي وكله كلاكيك .. في واحدة  
لسه أول مرة تزورنا نتكلم معاها في الكتب؟! يا نهار بلاك! اشربوا

العصير الحُسن ده قَرَب يَنْطُ من الكُبَايَةِ من كُتْر غلاستِ اُكيوار  
بِناعكم.

أمل: حیو ار .. مممم...

سمر: اُمّال فین دنیا؟

أمل: معرفتي تلاقىها بتفرغ على البرنامج المقدس بتاعها .  
مبني عن يفتورها يوم.. أهي جايه أهي شكله خلص.

دنیا : ایہ.. شکلکوا کرا بتتکلموا علیا.. خیر.

يونس: استغفر الله إنا نتكلم عليكِ إنتي؟؟ إنا يُضاعف لنا العذاب اللي هو أصلاً هنا عده لو مينا على أي حد، وبالتالي بالنسبة لك فطبعاً نظراً لأنك صديقت الملائكة فهيضاعف لنا العذاب.

دنیا : یا سخیبیہ!

سمر: ۰۰۰۰۰۰۰۰۰۰۰۰... انا شایفته ان محدث منکم متفق مع  
الثانی فی ای حاجت.. مشن عارفه اینتوا بتتخاوروا إزای مع بعض.

دنیا : یا سٹی و نتخاور لیہ .. اکوار مع واحد زی یونس یحرق  
الاعصاب ، یعنی ممکن اخاور مع امل بس لما بتعملي فيها  
فيلسوفت و تفعد تحشر عقلها في كل حاجت ، و بتبدی تالف في  
الدين ، بفضل اننا ننهي اكوار احسن .

أمل : تَأَلَّفَ فِي الدِّينِ؟؟ كل ده علشان نحاول أفكر في اللي بنسمعه من الشيوخ بتوعك دول.

دنيا : يا بنتي مينفعش تفكري في كل حاجة عقل الإنسان له طاقة وحدود مينفعش يحشر منه في كل حاجة؟

أمل : أيوه بس مين اللي خط أكرود دي؟؟ هو إحنا نكسل نفكر في كل حاجة ، ونقول حدود

سم : وإنْتَ يا يونس إيه رأيك في الموضوع ده؟!

يونس : تمام تمام.. أنا شايفه ان كل واحد يحط لسانه في بقه ويخليه في حاله ويشرب العصير وياكل رز باللبن مع الملايكة علشان ميكسفهو مشن.. ولو كل واحد سمع كلام مستر تامر حسني هيبقى رسمي فلهمي نظمي قد الدنيا .

أمل : اهي الهيافت هتشتغل.. اتكلم بجد مرة يا بني.

يونس : هههه لا بجد والله لما محدش مننا هيقنع بالتاني وكل واحد شايف إنه هو اللي صح يبقى نتكلم ليه مع بعض أصلاً ونحسر بعض. خيلنا اخوات أحسن.

سم : طيب حتى رأي.. عاوزين نعرفه رأيك حتى لو مش هنقنع. يونس : بصراحة.. إنتوا تاعبين نفسكم أوي. أكياة أبسط من كده بكتير ؛ لأن مفيش حاجة واضحة كل حاجة ملعكة ، والواحد مش عارف الصبح من الغلط يبقى إيه.. يبقى كل واحد يحط لسانه

في بقو ويعمل اللي هو عاوزه ويسيب الناس تعمل اللي هي عاوازه. ويا دار ما دخلك ايفيل «شر يعني».

سم: هي وجهت نظر بس منهياي التفكير في حد ذاته شيء مطلوب، واعتقد إن الواحد لو قرا كثير وشغل عقله شويه هيعرف الصغ من الغلط بسهولة أو على الأقل هيعرف يخط ثوابت.

يونس: يفكر.. قالك يفكر.. بلا وجع دماغ اشربي اشربي. تاخدي لبان؟

يدور اليوم الأول لعائلة كامل مع أسرة سعيد في شقتهم حتى يأتي الليل فيذهب كامل وسمر إلى بيتهم.

سم: بس غريب أوي يا بابا إن دول أسرة واحدة.. فاك امبارح لما شغنا ولاد عمو سعيد، وأنا قعدت أضحك على التناقض ده في نفس العمارة، متصورتش أبداً إنه يكون في نفس البيت وفي نفس الأسرة.

كامل: ليه بتقولي كده؟؟

سم: لما قعدت واتكلمت معاهم لقيت إن يونس ده ولد مستعتر أوي ومرفه ومغيش في حياته غير الحب والغرام والخروج والبنات، والدراسة دي تيجي في الآخر. ده حتى بيقولي: إنه بيروح الجامعة عشان يقابل أصحابه. الراي الوحيد اللي قاله: إنه

شايك إن كل واحد يعمل اللي هو عاوزه، وما يحاولش يفكر أصلاً  
في أي حاجة بتحصل حواليه.

أما بقى دنيا فدي حاجة تانيه العكس تماماً .. بالمناسبه هي  
اضايقت اوي منك لما اتكلمت معاها الصبح .. آل إيه مش بتحب  
تتكلم مع رجاله بتقوللي : حرام. معقوله يا بابا؟

كامل : لا طبعاً إحنا ديناً دين يسر ، أيوه مش تفريط لكن الرسول ﷺ  
كان بيتكلم مع الصحابيـات ويعلمهم أمور دينهم .. بس برضه ياسر  
يعني عندنا في أمريكا مثلاً الاختلاط بين الشباب والبنات ملهوشن  
حدود ، وده غلط زي ماعودتك.

سر : معاك يا بابا بس أنا حسيت إن هي كلامها بيبقى فيه  
شيء من الصبح بس حسيت مش منطقي ، أو ... يعني : هي بتحاول  
تكون متدينه أو تكون ماشيت صح ، بس للأسف مش عارفت ليه  
حاست إن اللي بتكلمني عنه ده مش الإسلام اللي أنا عارفاه ....  
مش قادرة أخط إيدي بالظبط على المشكلت بس اطلع إن في حاجة  
غلط في منطقها .

كامل : وأمل؟؟

سر : لا أمل دي بقى تكملت السلسله ، مش بقولك بيت غريب  
وفيه كل التيارات .. آهي أمل دي بقى عاملت زي تيار الوسط ..  
هي بينهم في كل حاجة ، وأحلى حاجة فيها إنها عارفت تجمع بين

04

# سنة أولى (مصر)





■ وفي اليوم التالي...

تحت منزل أخت كامل.. المدخل محاط بصوان عزاء وأناس  
يكون، فيتجاهل الموقف ويقرر أن يعرف الموضوع من أخته عندما  
يصعد؛ كي لا يكون متطفلاً.

كامل: فيه إيه؟ إيه الصوان ده؟ يا ساتر يا رب! مين اللي مات؟  
سم: مات؟؟ إزاي يعني هو كده معناه إن فيه حد مات؟؟  
كامل: أيوه يا حبيبتي ده عزاء لما حد بيموت بنعمله كده في مصر.  
إنتي مش اتفرجتي قبل كذا على أفلام ومسلسلات مصريه.  
سم: أيوه فعلاً.. عموماً إحنا نبقى نسال عمتوا.  
كامل: آه. إن شاء الله.

يدخل كامل وسمر العقار، وإذا بصوت صويت وعويل فيجري  
كامل على السلم، وقلبه ينبض وعلى وجهه علامات رعب، وما إن  
يدخل إلى شقة أخته حتى يتأكد من أن ظنونه كانت في محلها.. ينظر في  
الأرض، ويجلس على أول كرسي ويبكي حتى يجد يدًا فوق كتفه  
وصوت يقول: جيت متأخر يا كامل..

كامل (في بكاء): حسين ... اختي فين يا حسين ... وحشتني  
أوي ... أنا .. أنا جيت عشان اشوفها .  
حسين زوج اخته : أعتك توفت امبارك كانت تعبانة من أسبوع  
كره ، وارتاحت بس امبارك .  
(بيكي كامل بحرقة ، ويعلو نحيبه) .  
سم : فيه إيه يا بابا ؟! عمتو ماها ؟!  
كامل (وهو ييكي) : عمتك ماتت ملكيش نصيب تشوفها ..  
اتأخرت عليها ، وإنت إزاي يا حسين متكلمنيش!  
حسين : تليفونك الدولي مكنش بيرد .  
كامل : وإنتوا مش بتدروا عالتليفون ليه؟؟  
حسين : كنا في المستشفى وملخومين بيها ، ومش عارفين نرد على  
اي تليفون .  
سم : الظاهر إني ملييش نصيب اشوف حد من اهلي ... معلش  
يا بابا إنا لله وإنا إليه راجعون . البركة فيك .  
كامل : آاااا .. مراتي .. واختي .. وامي قبلهم ، سم يا بنتي أنا مبقليش  
غيرك يا حبيبتي .  
فريدة ويوسف : جدو ماله يا ماما؟؟  
تحضنهم سم ، ويتهيء المشهد داخل العزا

■ وفي اليوم التالي ...

تليفون...

سم: ألو. سلام عليكم.

أمل: وعليكم السلام. إزيك يا سم؟؟ إيه مجيئيشن ليه امبارح  
إحنا مش كنا متفقين نخرج؟؟

سم: معلهش أصل... عمي توفت امبارح.

أمل: لا حول ولا قوة إلا بالله. البقية في حياتك.

سم: حياتك الباقية.. معلهش بقي خليفها يوم ثاني.

أمل: آه. وماله يا حبيبي.

يونس (في صوت خافت): في إيه؟؟ ها..

أمل: طيب أنا هكلمك بعدين عشان نتفق بقي. أولك؟ مع  
السلامة.

سم: خلاص أولك.. مع السلامة.

يونس: ها بقي، في إيه؟؟

أمل: يا عيني عمكها ماتت امبارح!

يونس: استرررررر يا رب. واضح إن وشها حلو أوي، وإنتوا لسه

مصممين نخرج مع بعض... أنا مش متنازل عن عمري.

أمل: بس يا بايخ إنت. والله إنت ما عندك دم...

(كامل سمع الحوار بين أمل وسمر فرد على سمر قائلاً):

خلاص يا حبيبتي ، انا كويس ، روحي إنتي معاهم ، اتعرفي على البلد  
شوفوها ، ده لو كنتي فعلا ناوية تكملتي عمرك فيها ..  
سم: مش هينفع أسيبك لو حدك يا بابا .  
كامل: لا متشغليش بالك ، انا هنزل ، ورايا شوية مصالح ، واوراق  
عاوز اخلصها ، وكماني علشان متقعدوش لو حدكم .  
سمر وأمل ويونس في الأهرامات ... وبعد جولة طويلة يجلسون  
منتظرين عرض الصوت والضوء .

سم: أمال دنيا مجتتش معاكم ليه؟  
أمل: أبداً . أصلها ...

(يقاطعها يونس): فكريه ، وشايفت إن الأهرامات دي مش حاجة  
تتشاف ؛ دول شوية أصنام ، وأكروج كله على بعضه هو ...  
سم: بس إحنا مش جايين نعبدهم ، إحنا مجرد بنتفرج عليهم و  
نتفسخ ، وأكروج ده ترفيه يعني مش شايفت فيها حاجة ..  
يونس: طبع بس بس إوعي نقولي قدامها كده لتوديك النارrrrr .  
ههههه ...

أمل: يابني كفاية تهرئت على البنت على الأقل احترم إنها اختك  
الكبيرة .

سم: أو إنها مش موجودة ، أهو ده بقى اللي يوديالك النار ، مش  
الأصنام . إحنا ليه بنص على القشور ، ونسيب لب الموضوع؟! لو



كأنها تتشاجر وتنادي على يونس وسمر فيجريان كلٌّ منهما إلى أمل  
ليجدا شابين يحاولان مضايقتها (يعاكسانها) وعلى الفور يقوم يونس  
بضربها والتشاجر معها، إلا أن الأمن يفض المشاجرة وبعد مرور  
تلك الأزمة يدور هذا الحوار بينهم.

يونس: ثاني مرة يا ختي تبقي تضربيه بالقلم على طول، مش  
تقعد ي تعيطي زي الهبلت إنشا الله تبطحيه حاجت.  
أمل: أعملك إيه؟! إنتك مش المفروض الراجل اللي نازل معانا  
عشان نحمينا كنت سايبنا وبتلهج إيه؟؟  
سمر: كان بيتخانق مع ولد حاول يضايق واحدة زيك كده. مله اللي  
منرضاهوش على اخواننا منرضاهوش على حد.. ولا إيه يا...  
ننس؟!.

يونس: أكيد طبعاً بس برضه مش كله.. يعني بصراحة فيه  
بنات تستاهل.

■ وعلى باب شقة سعيد:

سمر: تصبحوا على خير (تفتح شهيرة الباب فوراً، وترد على سمر)  
شهيرة: لا. تصبحوا على خير إيه. ده باباكي وسعيد خرجوا وإنتي  
هتتعيشي معانا بللا أدخلتي.  
سمر: لا معلهش أصل الأولاد لازم يناموا.

شهيرة : وماله يدخلوا يناموا وإنّي تعالي، والله هرعل منك لو  
ما جيتيش.

#### ■ السؤال الأول

وبعد أن تدخل سمر أطفالها الشقة تذهب لشقة الجيران متعمدة  
لأنها تود أن تجد فرصة للتحدث مع يونس بشأن ما حدث في  
الأهرامات، وبالفعل بينما هم في البلكونة تدخل أمل لتحضر السفارة  
مع أمها.

سمر : يونس أنا متعودة على الصراحة، وبصراحة كده أنا عندي  
كلام عايره أقولهولك... أنا أول يوم جيت فيه هنا لاحظت إن  
بيتكم فيه تناقض غريب في ميول أفراده وأفكارهم، لكن اللي  
متخيلتوش إن التناقض ده يوصل لأنه يبقى في نفس الشخص...  
إنك إزاي سمحت لنفسك تضايق بنت ومستعملتش ده على  
أختك؟؟

يونس : مش عارف.. ولو عرفت حاجات كتير أوي كنت أعرفه  
دي.

سمر : إزاي؟؟ وحاجات إيه؟

يونس : أنا مش بحب الأسئلة.. عارفه ليه؟ عشان عمري ما  
عرفت إجابات، من زمانان من أيام ما كنت لسه صغير أد يوسف  
وفريدة كده أسأل بابا وماما ميروشن، أسأل المدرست متروشن.

حتى لما كبرت شويته كان السؤال اللي معرفش إجابته في الكتاب  
أرجع للإجابات الأقيه بيقلولي: «الإجابة متروكة للطالب».  
ههههه. حتى في الامتحانات مش بعرفه أجاب على الأسئلة.  
المشكلة إن الأسئلة والإجابات حواليا متخاصمين عمرهم ما  
ييجوا مع بعض.

سم: أو يمكن إنت اللي مش بتعرفه تدور كويس.. أو.. مش عاوز.  
يونس: مش عاوز؟ يمكن. بس إزاي.

سم: يمكن بتخاف من الإجابة لتكون صعبه أو تصدمك.  
يونس: منكرش إني ساعات بتعمد إني مدورش على إجابة، ومش  
بس كده إنتي صحتيني على حاجات طول عمري حاول أفلها؛  
عشان فتحها بيفتح عليا فتحت صعبه أوي.

سم: طووول عمرك؟ ليه إنت عمرك كام سنة؟... لو مفتحتش  
دلوقتي هتفتح امتي لما يكون عندك ٦٠ سنة، ولا لما عمرك  
ينتهي أصلا؟... اسمحلي. ده ضعف ولا لا مبالاه؟.

يونس: لا... مش لا مبالاه ليه دايما بتفتكروا إني معنديش ودن أو  
إن انا بسمع من هنا أطلع من الناحية الثانية، لا انا بسمع وبفكر  
فيللي باسمعه وبسال نفسي بس... مغيث إجابة... بابا دايما  
يقوللي: يا هايفه يا سافل يا عديم الرأيه.. سوري. وهو مين اللي  
رباني؟، وماما دايما تقوللي: إنت مبتفهمش حاجه.. طيب  
فهميني، والسك دنيا مش على لسانها غير: ربنا يهديك ويفوقك



70





دلو قتي.. مشن ملهم ملهو كمان ابوہ علي اده ومعر فشن بيلہ  
واسطہ، لكن مثلاً شريف احو نبيل صاحبنا ملهو اخرج واشتغل  
كمان في اكبر بنك في مصر، ومعدوشن اي مشاكل غير مشكلت  
الواد صاحبه ده اللي بقي ريس عليه مع إنه كان الدفعة اللي  
قبله، وعد منه البت اللي كان بيعبها و... لالا لا. انا غيره انا  
ذكي ولا يمكن عيل اصغر مني يبقى ريس عليا، وكمان لا يمكن بنت  
تعرفني وتبص لغيري.. يا سلام. تو. وبعدين بقي في أكيرة دي.  
البت دي غلست، والله لا انا قايم ارواح اي كافيه بدل ماهي في  
وشي كده وعماله تدبني في نصائح كأنها أمي.. أمريكا إيه دي اللي  
كانت فيها.. دي كانت في حوارى أمريكا.

ثم يقوم يونس: أنا نازل.

شهيرة: رايح فين يا ولد؟ دانت لسه جاي.

يونس: خارج، سيبوني في حالي.

سم: سيبه يا طنط.. متقلعش.. هيرجع أحسن.

شهيرة: (في ذمول وقلق): في إيه يا بنتي؟ هو إيه اللي حصل؟؟

سم: صدقوني يا جماعة خير.. يونس هيرجع من برة أحسن كثير

متقلعش يا طنط.

شهيرة: والله ما نا فالهمت حاجت؟؟

سم: املهم... عرفوني بقي إيه أسماء الاكل ده.

امل: ده يا ستي فول، وده بقي...

## ■ إجابة السؤال الأول

( ننتقل إلى مشهد آخر )

(يونس يركب سيارته ويتحدث في جواله إلى صديقه أحمد): إنت يا بني تعالى نخرج أنا زهتان.

أحمد : قشطت. تعالى نروح الكافيه بتاع..

يونس : لا أنا زهنت من الكافيهات.. تعالى قابلني عالكورنيشن.

أحمد : كورنيشن.. إنت بيئه أوي على فكره. إيه عاوز نكلم النيل؟

يونس : لا يانيلت.. عاوز اغير جو.. يلا أنا رايح هناك.. سلام.

(وعلى الكورنيشن يجلس كل من أحمد ويونس، وفي الخلفية يقف

في كل متر شاب وفتاة يقتربان من بعضهما البعض لدرجة أنك تظنهم

واحدًا من بعيد.. ويمسكان بأيدي بعضهما البعض)

يونس : تفكر العيال دي مبسو عين.

أحمد : إيه؟ اطلب آيت وشيري ييجو نقف معاهم؟

يونس : مش بظهر يا حمار.. أنا أقصد إننا ياما وقفنا الوقفت دي

وإحنا في سنت أولى وثانيت، بس مش عارف ليه ساعات بتخيل

إني ممكن أشوف اختي واقفت الوقفت دي، يبقى هتجنن.

أحمد : لا يا عم. أعتك محترمة.

يونس (بغضب): مانا عارف يا خفيف.. أنا أقصد يعني.. هي كل

بنت عارفت إن النبي آدم ده بيتسلى.





(يمر الوقت، ولم يرجع يونس إلى بيته حتى أتى الفجر، وقلق أهله خاصة أنه لا يرد على التليفون. فيقرر سعيد أن ينزل للبحث عنه، عرض عليه كامل أن يساعده بعد أن عرف خبر اختفاء يونس من سمر، وبالفعل يصاحب كامل سعيد في بحثه عن يونس، وفي الطريق يؤذن الفجر ..)

سعيد (بيكي): يا ترى يا ابني إنت فين دلوقتى ..!  
كامل: متخفش إن شاء الله خير، هو يمكن يكون خرج مع أصحابه، وموبايله خلص شحن ولا حاجة.  
سعيد: أمه بتقول إنه نزل متضايق، وعريته فيها شاحن موبايل، يبقى إيه اللي جرى؟! أكيد حصله حاجة.  
كامل: استهدى بالله بس وتعالى.. تعالى نصلي الفجر، وندعي ربنا إن شاء الله نلاقيه.  
■ (وفي المسجد...)

(ينظر كامل بدهشة إلى مكان ما بالمسجد): يونس!!  
(سعيد يتجه بلهفة حيث يمكث يونس): إنت هنا يا بني معقولة؟؟  
قافل تليفونك ليه؟! .. وإيه اللي إنت عملته ده؟!... (ثم بيكي):  
يا أخى حرام عليك قلقتنا.  
كامل: أبوك كان قلقان عليك اوي، يا .. يا ننس.



يونس : وماله يونس يا عمو ؟  
كامل : عموماً يللا بقى نروح نطمّن شهيرة..  
وقبل أن يتم جلته تتصل شهيرة بسعيد فيجيب : أيوه يا ام يونس ،  
ابنك أهو معايا ... آه والله تخيلي لقيته فين ؟؟

- فين .. ؟

- في أجامع

- إيه !! ... يمكن مشن هو !! إزاي ؟

- (بضحك سعيد ويقول) : لا هو ابني ، وأنا هتوّه عنه !! وأنا بقالي  
٢٠ سنة أبوه .. هو بعينه بغاوتة

■ (المشهد الآن في بيت كامل)

سم : معقولة يا بابا ؟! تروحوا لبيت ربنا عشان تدعوه إنكم تلاقوا  
يونس ، تقوم الدعوة تستجاب بمجرد النية ، وتلاقوه هناك ؟! يا  
سبحان الله !.

كامل : الغريب مشن إننا نلاقيه قبل ما ندعي . الغريب : إننا لقيناه  
في أجامع ، مشن هو ده اللي أول ما شغناه قلنا عليه : عيل هايف  
وتافه ، طبع أهو طلع متدين وكويس أهو .

سم : معقولة ؟!

كامل : إيه الغريب ؟! ربك قادر على كل شيء .

سم : لا يا بابا أنا مشن بتكلم على كده طبعاً ، أنا أقصد ... (ثم  
تسرع).







▪ (وفي منزل سعيد في اليوم التالي):

شهيرة: كده يا ننس تعلقنا عليك كده، إنت كنت فين؟؟

دنيا: صحيح إنت كنت في الجامع؟

أمل: والله برافو عليك بس ايه التغير ده؟

يونس: يووووه فيه ايه هو أنا كنت كافر؟؟ في ايه يا جماعة

متسبونوني في حالي، يعني اخلفه مروحش ثاني؟؟؟؟

سعيد: اهم حاجت ميكونش فيه حد كده ولا كده في الجامع

لعب في دماغك ولا دخلك في جماعة.

يونس: هههههه. منهم لله.

سعيد: هما مين بلا؟

يونس: ولا ر أكلال اللي مش بيطلعوا ابي واحد حاول يتبعه لربنا إلا

إرهاي.. طبعاً إنت متخيل إني في مرة دخلت الجامع لقيت أع لابس

أبيض ورقنه شبرين قدام وبيقوللي (في صوت غليظ): يا أخي اتقي

الله وارجع إلى ربك.. ها ها ها. تكلتك أمك. ايه يا بابا إنت

بتصدق الأفلام؟؟ بقولكم ايه إنتم هتعملوني حديث الأسبوع؟..

أنا نازل عندي محاضرة. سلام عليكم ..

شهيرة: بالسلامة ياخويا.





ده كثير ، بس مكنتش بلاقي حد يقوالي : إنت صبح محدش  
بيشجعني ، إنت عارفه إنني فكرت أتكلم معاك عن حياتنا لما  
كنت أحياناً بحسن إنها فاضية؟؟ بس كنت بقول هيتربأ عليا..  
بس إنت طلعت أجدع مني وسبقتي.

يونس : طب وأكل؟!.. هتقعد مع بعض قاعدة الصفا أكلوة دي  
ويومين ثلاث ، ونرجع زي الأول ومنفقس غير على نفسنا ، وإحنا  
صايعين مش لاقين حنة تلمنا لا دنيا ولا آخرة؟؟ ولا لما نبقي  
ضيوف في خلقت عن مشكلات الشباب في التلفزيون ونقعد نعط  
وكره؟!..

أحمد : عارفه يالا ابويا قاللي كلمة غريبة أوي ؛ تخيل بيقولي :  
مفيش حاجة اسمها بطالة؟؟؟. قال إيه : في حاجة اسمها  
شباب عنده مهارا ، وشباب معندوش ؛ يعني إحنا لو أخرجنا  
بالشهادة بتاعتنا دي نروح نبلها ، ونعمل بيتهها عصير برسيم.

يونس : يبقى جد - لازم نتحرك من دلوقتي.. وعلى فكرة أنا امبارح  
جربت أعمل حاجة من أكاجات بتاعت «المفروض».. وعملتها ،  
تصدق الواحد بيبقي مبسوط أوي لما يعمل حاجة المفروض تتعمل!  
أحمد : ممكن برضه.. عملت إيه؟؟  
يونس : صليت الفجر في أجامع.





حازم: أهلاً وسهلاً .

أحمد: أهلاً بك .

يونس: حازم إنت تعرف ممكن ناخد كورسات تفيدنا فين؟

حازم: إنت عايز تاخد في إيه بالطبط؟!

أحمد: بص أي حاجة تفيدنا في تخصصنا تسويق رعاية إعلان،  
حاجات كده يعني.

حازم: تمام.. طيب، هدياك مرة واحد صاحبي في جمعية شبابية  
بتعمل كورسات كده ومدعمة كمان، كلمه وقوله: إنك  
صاحبي واخو أمل، وهو هيظبطك.

يونس: أمل.. هو يعرفها؟

حازم: طبعاً يا بني أختك دي مش عاتقة، مفيش جمعية إلا  
وبتشتغل فيها، وعارفت كل الناس اللي فيها.. صحيح مقلتلهاش  
هي ليه؟!

يونس: لا أبداً أصلها مش هنا النهارده، ده غير إنها ما هتصدق  
تديني شوية دروس في الإيجابية والشباب الفعّال، لا يا عم  
الطيب أحسن.

حازم: ~~~~~ طيب تمام.. عموماً دي فترته، هو  
اسمه محمد الشربيني. أولك؟

يونس: أولك. ألف ألف شكر. سلام.

حازم: سلام.

أنيوان



■ (المشهد الآن من منزل عائلة سعيد).

شهيرة: أنا مستغربة للواد يونس ده.  
دنيا: صحيح يا ماما ، إنتوا مالكم وماله؟! وبعدين متحسسكوش  
إنه عمل معجزة. طبع ده حتى لسه قدامه كثير عشان يبقى  
اسمه ملتزم.  
سعيد: آه. اهو أنا مش خايف إلا منك إنتي بقي أنا خايف عليه  
ليقابل حد كده ولا كده في أجمع ، يطلع أ خوف من البيت يادي  
المصيبة!  
أمل: خوف إيه بس يا بابا! بص أنا مش معاك خالص ، وبص راحت  
كده يا دنيا مش معاك إنتي كمان.  
دنيا: ليه يا مزدوجة؟!  
سعيد: هههههه. آه والله صدقتي الكلمة الوحيدة اللي قلتيها  
صح يا دنيا .

أمل : ماشي ، الله يسامحكم أنا مش فاهمة إنتوا ليه الناس عندكم  
يا ابيض يا اسود! عمومًا مش موضوعنا ، أنا شايفت إن الدين فعلًا  
مش معناه إرهاب ، وناس شريرة بقى وأكاجات الساذجة اللي  
بنشوفها في الأفلام دي ، بس برضه يا دنيا هو إن مكنش يلتحي  
ويلبس نص بنطلون يبقى كافر؟؟

دنيا : لا يعني مش كافر ، العلماء حرموا التكفير .  
أمل : لا يا شيببيخت! وإن مكانوش حرموه؟؟  
دنيا : أصل الصبح صبح ، والدين له وجه واحد يعني يا ياخذ الدين  
كله يا إما .... ربنا يهدي الجميع .

▪ (تدخل سمر لشقة جيرانهم أثناء حوار أمل ودنيا)

سمر : إزيك يا طنط! .. أمال فين البنات؟  
شهيرة : أهما يا حبيبتي بيتخانقوا كالعادة .. الباب كان عمال يخط ،  
وإنتوا ولا هنا .

سمر : إزيكوا يا بنات .. إيه بتخانقوا ليه؟  
أمل : مفيش بس الشيك دنيا شايفت إن الدين له وجه واحد!  
دنيا : أيوه ، الصبح صبح والثوابت تمشي ع الجميع .

سم : معنى كده إنا يوم القيامة هنتخاسب بالطابور : اللي عمل كده يجي كده واللي معملش ييجي الناحية الثانية؟ ولا كل واحد لوحده لأن لكل واحد ظروفه ، ولكل واحد بيئة بيعيش فيها كونك شخصيته ، ولها نسق قيمي معين ، وعلاقات اجتماعية معينة.

دنيا : معنى كده بقى إن اللي عايشه في أمريكا متتجيش ، واللي عايشه في السعودية تنتقب.

سم : لا ، معنى كده إن فيه حد أدنى لازم نلتزم بيه ، وبعد كده بتبقى كيفيات يعني ممارسات معينة بتختلف من واحد للثاني حسب بيئته وظروفه .. ومعنى كده - برضه - إن أحجاب والنقاب والذي منه مش هما القضية الكبرى .. أنا مش عارفه إنا ليه بنركر أحاجات دي .. وليه كل القنوات الدينية العربية اختزلت الدين كله في حجاب ونقاب والشكليات دي.

دنيا : شكليات!!! إزاي يعني هي أحاجات دي مش فروض ولا إيه؟! وبعدين مانتج محجبة الحجبتي ليه لما هي شكليات؟! ..

سم : مش معنى إني بقول إنها شكليات إنها مش مهمة ، لا هي مهمة أوي بس في ظني سهلت ، إيه يعني لما تحطي حجاب ولا

حتى نقاب.. خلاص إجراء بسيط وانتهى ، نبص بقى على بعد  
كده.. يعني انا لو بشتغل في مكان مانا هلبس اليونيفورم بتاعه ،  
لكن مش كل ما نيجي نتكلم عن الالتزام بتعاليم وسيستم المكان  
نقول : ماخنا لابسين اليونيفورم اهو .. لا ، دا يونيفورمه مش  
نظيفه لا دا مش بيلبس.. أكيد فيه حاجات تانيه لازم نتكلم  
فيها ، ونقيس من خلالها جودة الأداء بعد ما نلبس اليونيفورم.  
يونس : هاي...

سم : هاي ورحمة الله وبركاته. إنت على طول كده خارج؟ يا  
خترك! طبعاً كنت بتنفسح.

يونس : والله ظلماني بس بيني وبينكم فأنكم اليوم النهارده..

أمل : يوم إيه بقى؟

يونس : طبعاً بما إنكم جهلت فانا هسأل اللي بتفهم فيكم.. سم

إنتي تعرفي حاجه اسمها تنميه بشرية؟؟

أمل : جهلت... اهو إنت اللي محدث علم.

سم : ههههههههه. اعرفه طبعاً انا عاملت رسالت الما جستير

في التنميه البشرية بالدول العربيه...

دنيا : ابوه دي بتاعت ابراهيم الفقي والناس دي؟؟



سم: لا. إنني تقصدي التنمية الذاتية، دي فرع صغير أوي في المجال ده.. التنمية البشرية دي معناها تنمية القدرات والكوادر البشرية في الدولة من أجل تنميتها ومحاربة الفقر فيها.. وكلام كثير كده.

يونس: إيه ده.. فقر إيه.. مش دي بتاعة النجاة والكلام أكلو ده  
اللي لسه سامعه في الكورس من شويه؟؟

سم: لا ، دي التنمية الذاتية ، هي مفيدة ليك كشاب بتدرس دلوقتي.. بس متكتفيش بالكورسات دي لازم يكون لك نشاط وتحاول تنفذها ، وتطوع الكلام ده لخدمت مصلحتك الشخصية وطبعاً لازم نقرأ كتير في كل المجالات .. و ...

يونس : بس بس بس. إنتي هتتعديني من أولها ، واحدة واحدة معايا - الله يكرمك - عشان ما أروحش أولعلكوا في نفسي.

**سمر:** ﻟﯩﺌﺎﻥ ﺷﺎﺀ ﺍﻟﻠﮭ ، ﻣﺸﯩﻦ ﺗﻪﻧﻮﻝﻊ ﻭﻻ ﺣﺎﺟﯩﺖ ..  
ﺑﯩﻦ ﻗﯩﺒﻞ ﻣﺎ ﺗﻮﻝﻊ ﺁﻧﺎ ﻋﺎﻳﺮﻩ ﺃﻃﻠﺐ ﻣﻨﻚ ﻃﻠﺐ ... ﻻ ، ﻣﻨﻜﻢ ﻛﻠﻜﻢ .

■ (فيجاوبها الجميع): اتفضلني.

سم: أنا من ساعت ما جيت هنا خركاتي محدودة اوي، أنا عايزة  
أشوف مصر.

أمل: خلاص روحي خان أكليبي، والأهرامات. ....  
سم: لا، يا أمل أنا عابرة أشوف مصر نجد، مشن بتاعت السياح.

کوکتیل .. فحفحینا



(المشهد التالي: سمرويونس وأمل ودنيا يتجولون في السيدة

زينب والسيدة عائشة والأزهر والحسين والجيزة وميدان التحرير

ورمسيس وهناك...)

أمل: دي بقى يا ستي منطقة اسمها رمسيس.

سم: مم طبعا حد ميعرفشن رمسيس. داخنا المصريين كانوا

مسميناً في أمريكا الفراعنة.

يونس: هههههه. آه هو ده، بس المنطقة هنا مافيهاش

فراعنة.

دنيا: أنا تعبت من اللف اللي ملهوشن لرمث ده. مش الواحد كان

قعد في البيت عمل حاجة مفيدة احسن؟!

سم: طبعا ليكي حق تتعبي، إنتوا على فكرة لياقتكم البدنية

ضعيفة. فين الرياضة؟!

يونس: اتلغت. ههههههه.

سم: نعم؟!

يونس : استاذ الرياضت بتاعنا ده كان في منتهى الغلاسة .  
أمل : بطل هزار يا ننس . هو يقصد مادة الرياضيات ؛ مات يعني .  
سم : عارفت أنا بفهم عربي .  
يونس : تعالوا بقى أما اشربكم عصير بيئت ... مشن عايرة تشوفي  
مصر ؟! أنا بقى هوريكي مصر ، بس متبقيش تمسكي بطنك بالليل .  
~~~~~

سم : اوكيبيبي . وانا معنديش مانع .. بس بيئي إزاي يعني ؟ .. صحي  
يعني ؟

أمل : لا ، « بيئت » في مصر يعني مشن نظيف أو مشن مضمون  
النظافة ؛ وده لأن البيئت عندنا شيء مشن نظيف برضه ، وبالتالي  
اللي عاوز يقول على حاجة مشن نظيفت مشن هيلاقى تشبيه  
أحلى من البيئت .

دنيا : لا انا جيت اخري عايره اروح : البرنامج هيبدا .

أمل : ففففف . دانتى بك خنيفة ، هيتعار .

سم : على فكرة يا دنيا اللي إحنا بنعمله ده مشن حاجة ملهاش  
لرمت زي مانتى بتقولى ، بالعكس إنك تنزلي وسط الناس في بلدك ،  
وتشوفي معانتهم ، وتتعرفي عليهم أكثر ، وتلمسي بنفسك مميزات  
بلدك وسلبياتها اللي إنتي لازم تساهمي في إصلاحها دي حاجة

90

يونس: دي بقي يا ستي عبارة عن كوكبيل صاحي.. او يعني كوكبيل  
من غير ما يضرب في انحلاط موز على فراولت على جوافت؛ كده  
يعني.

سم: مسموم یعنی کوکتیل منفصل.

يونس: إيه المصطلحات العلمية دي.. اشربي - والنبي - كحسن  
العصير ينط في وشك.. كحسن الكلام العلمي ده بيضايق المصريين ،  
وبتوع العصير المصريين ، والعصير نفسه.

سمر: طیب! انا مشن ممکن نقعد؟

يونس: شايقة الكرسي أجميل اللي هناك ده.. اللي جنب الست  
أم جليبة سواء اللي حاطة جنبها الشنطة السودا الكبيرة دي؟

سمر : مش دي بتييع هئا ؟

يونس: ﷻ لا ، حضرتك دي مصريه.. تشرب  
عصير القصب بعد ما أكلت ساندوتش الفول، دي الوجبة  
المصرية الشهيرة.

سمر: اللہ!.. رغم اینها تباد غلبانے بس شکلها مبسوط.

يونس: طبعاً ملهو عصير القصب له مميزاته برضه.

**أمل :** بيعت البهجة.



يونس : بيعث؟ وبهجت؟.. (ينظر يونس للجميع، ويقول): روشة  
أوي أمل دي.

سم : لا نجد والله، المصريين دول طيبين أوي بس كسولين  
وعاطفين، وده اللي معطلهم عن العالم كله.  
(وبعد ما تشرب سم):

مرسي أوي يا جماعة على الفسحة أكلوة دي.  
أمل : بس إيه رأيك بقي في مصرنا أكبيبة؟  
سم : فخفينا...

الجميع : نعممممم.

سم : فخفينا : بلدنا دي عاملت زي الفخفينا بالظبط. بصراحة  
أنا لاحظت ده من أول يوم جيت فيه هنا، أول ما شفتكم إنتو  
الثلاث استغربت إن عمارة واحدة فيها أنواع مختلفة من الناس  
كده؛ يعني أفكاركم.. أسلوب حياتكم.. استايل شخصياتكم  
مختلفة تماماً، لكن النهارده اكتشفت إن مصر كلها كده...  
دنيا : إزاي يعني؟!

سم : شفت في مصر المحجبة والمنقبة واللي مش محجبة أصلاً  
وأخليعة والمحتشمة، والشاب المثقف والشاب الهايف والشاب

المجنون وكل الأنواع. بس المشكلة إنهم مشن كوكثيل.. إنهم ففغينا .

يونس : وإيه المشكلة في ده؟

سم : يعني ليه الشاب ميقاش مثقف ونشيط وملترم ، وفي نفس الوقت لذيذ ويخرج ويهزر ويسافر ويستمتع حياته .. ليه البنت كمان متيقاش نشطة اجتماعيًا وفي نفس الوقت ملتزمة بدورها وأخلاقيها وبرضه بتخرج وتهزر مع أصحابها وتعيش حياة طبيعية متنوعة.

أمل : عشان اللي بيعمل كده في بلدنا بيقلوا عليه : عنده شيروفرنيا ، مانا عندك اهو لما أروح أجامع بابا يقول أوعي تنطرفي... اقول : طب رايحة النادي بوقولي : إيه قلت الأرب دي؟! إنتي مشن كنتي لسه في أجامع امبارح؟! آجي رايحة كورس يقول : لزمته إيه إنتي بتقلدي أصحابك وخلاص؟! .. إرسيلك على بر ، إنتي مزدوجة. وخدي عندك كلام كتير أوي كده.

يونس : مظيف أنا كمان لما كنت مفيش في حياتي غير أخرج والبنات والموسيقى والسفر كنت هايفة في نظرهم ، ولما بقيت أروح أجامع ولا أروح احضر دورة أتعلم أي حاجة أنا كده برضه بقيت متطفة وبعمل تصرفات غريبة . لدرجت إنني بقول لبابا : عاير فلوس



أجمع : .....  
أمل: لا نجد ذا حقيقي هيبقى مشروع جامد أوي، وأنا معاك  
فيه.

سمر: وائتي يا دنيا؟

يونس: بتقوله مؤسسة فتفتينا.. يعني كلها اختلاط مضروب في الخلط.

سم: وايه يعني لما يكون فيها اختلاط؟ هو إنا هنعمل كافيه ولا مؤسسة تنموية وثقافية؟.. على فكرة أيج فيه اختلاط.. والشغل فيه اختلاط .. وأعتقد إن فيه أولويات.

اٰجمعيع : بس ايه بقى يا شيخه !!!

دنیا : خلاص.. خلاص.. خلاص.. انتوا کلکم علیا.. کل واحد حر.. انا معاکم  
بیس مشن ہکلم رجالہ.

يونس: أحسن خدمت هتقدميها للرجال. والله العظيم.  
(المشهد التالي من داخل شركة كامل .. يجلس كامل على مكتبه ويجلس  
أمامه كل من سمر ويونس وأمل ودنيا)  
كامل: أيوه ngo يعني؟  
يونس: لا حضرتك، مؤسسة.  
سمر: ههههههههه ngo ؛ يعني غير حكومية يا يونس.  
يونس: سلام قولاً من رب رحيم.. ليه بس سيرة الحكومة في  
الموضوع؟!  
كامل: لأن الحكومة في أي بلد متقدم مينفعش تبقى هي كل  
حاجة وتقوم بكل الأدوار.. بس أخوفه من عدم الاستمرارية.  
سمر: متقلقتش يا بابا أنا عاملت دراسة جدوى، وكله تمام، وكمان  
فيه مؤسسات كثير ممكن تساعدنا، وفيه رجال أعمال عمالين  
يصرفوا فلوسهم على الإعلانات.. وكمان سمعت إن مرشحين  
الانتخابات هنا بيشتروا للناس كمت وحاجات كده بتخلص في يوم..  
متخالي لو استثمروا فلوسهم في حاجة مفيدة للبلد يكون أفضل.  
أمل: عرفتي كل ده منين؟؟  
سمر: عملت سيرش طبعاً.

كامل: كنت عارف إنك مش هتسكتي لو جيتي البلد دي إلا لو  
عملتي حاجة مفيدة.. أنا معاكوا يا ولاد.. وهكلملكم كل رجال  
الأعمال اللي أعرفهم.

(مشاهد سريعة لسمر ويونس وأمل ودنيا وهم يجهزون مقر  
المؤسسة، ويقومون بالاتصالات اللازمة، ويعرفون الشباب على  
هدف مؤسستهم في الجامعات)

(تلقي كل من سمر وأمل كلمة حول مشروعهم في ندوة.. بينما  
يقف يونس وأحمد يشرحان فكرة المشروع للطلبة في الجامعة  
وبالأخص الطالبات الجميلات.. أما دنيا فتتولى تعليق ملصقات  
الإعلانات عن المؤسسة في المساجد..)

حليم بالأنسوان





(المشهد الأخير من داخل مدرج بكلية الإعلام حيث تجلس أمل على المدرج بينما تتحدث الدكتورة سمر كامل أستاذة التغيير الاجتماعي بالكلية والتي أتت لتوها من أمريكا ..)  
د. سمر: إيه يا أمل مالكة؟ أنا كنت شايفاك في طول المحاضرة  
سرخانة بتفكري في إيه؟؟  
أمل: ففخينا ..

(فيضحك زملاؤها في المدرج)

د. سمر: ففخينا .. البتاع دا طعمه حلو أوي، بس خليني أثبتلك  
إنك كنتي سرخانة ولو إن الففخينا تشهد على ده .. ها بقي كنا  
بنقول إزاي ممكن يساهم الإعلام في حل مشكلات المجتمع؟  
أمل: ففخينا والله ..

د. سمر (بعد أن يعلو ضحك زملائها): لاااا ، دانتي شكلك جعانة  
جداً .. يا إما سرخانة جداً .

أمل: عارفت إزاي يا دكتورة ممكن تتحل مشاكل المجتمع؟  
د. سمر: إزاي يا دكتورة أمل؟؟

أمل : ما نسرع .. لأننا لما نسرع نعلم ، ولأننا علشان نصدق أكلم لازم يبقى منطقي ، وعلشان يبقى منطقي بنبذل جهد في التفكير علشان نرتب أحداث أكلم بشكل يخلينا نقدر نصدق ، وبالتالي نستمتع بيه ، وفجأة نفوق نلاقي نفسنا خرينا المشكلت في خيالنا .. بس منّا اللي بينفذ حلمه ده .. ومنّا اللي بيعتذر كضرتك إنه سرح في المحاضرة ويوعده إنه ميسر حش ثاني ؛ علشان ميخلصش ثاني ؛ علشان هو مش ناوي يحقق حلمه !  
د. سم : وإنتي حلمتي بايه؟؟  
أمل : حلمت بفتحينا فيها كل واحد فينا .. بس اضربوا في الخلط واعملوا عصير فيه كل الفيتامينات .

## المحتوى

رقم الصفحة	الموضوع
٥	المقدمة.....
٩	رحلة العودة.....
١٩	في البيت القديم الجديد.....
٢٧	بيت الجيران.....
٤١	عدنا.....
٥٥	سنة أولى مصر.....
٧٥	نقطة تحول.....
٨٣	ألوان.....
٩١	كوكتيل فخفخينا.....
١٠٣	حلم بالألوان.....

